

第四冊

卷之十四

七言歌行三十六首

卷之十五

五言律詩八十三首

卷之十六

五言律詩八十四首

卷之十七

五言律詩八十二首

卷之十八

五言律詩八十二首

何大復先生集

何大復先生集卷十四

五世姪孫源洙字魯存

六世姪孫維基字培菴

七世姪孫輝少字誦芬

男八世姪孫永謙字遜齋

同校訂

重梓

七言歌行三十六首

赤壁圖

周郎舳艫大江半曹氏旌旗眼中暗當時萬馬下中原
江水千年餘斷岸黃州逐客玉堂仙停舟到此悲
秋天龍爭虎鬪慨往事酹月酬風懷昔賢古人今人
皆已矣吁嗟丹青乃誰子赤壁之山只如此

劉武選百鳥圖

嗚呼鳳凰不可見人間百鳥空啁啾西飛鶡雀五
色滿眼誰別臬鸞儔劉侯此圖愛者衆盡手莫識元
與宋粉繪剥落絹素新萬羽千毛尚飛動侯言此畫
先人傳珍藏未肯充南貢什襲翻令錦繡輕百年轉
見丹青重頃來數相見手携登我堂開圖見百鳥從
此雙鳳凰鸛黃鳥黑隱可辨行鳬立鷺遙相望延頸
戢翼各拱向宛如萬國臣妾朝天王君不見蜀道阻
絕岐山已頽瀟湘無人衡岳崔嵬竹實未結桐花不

開鷓鴣怨杜鵑哀鳳兮鳳兮何時來

畫竹

殷君示我林垠竹臨風寫雨奪天巧尺縑蒼筤只兩
根氣勢已覺千林少虬蟠鳳起倏有神出雲入霧何
縹緲聞君魯門西草堂萬竿白日森烟霜怪道君身
瘦如竹只對此君不食肉

雷黃門凱旋圖歌

漢家賊盜臨京都西衝河塞東海隅虎豹奔突豺狼
呼天子九重怒按劍將軍五道催飛符黃門鐵鉞

按營壘監視將軍奉 天子征者不憂居者喜曉戰
遙隨金鼓前晝行獨擁旌旗裏烟沙忽傳畿甸清黃
門奏捷旋神京將軍歸來 天子迎冊書十萬納御
府勲級三千羅紫庭封侯拜將珥貂列白金緋衣照
雲月黃門功多不自說受爵元看陸機小却賞誰知
魯連潔高堂白日披圖新戎衣慘澹猶風塵坐令慷
慨悲今辰書生從此識汗馬丈夫常憶畫麒麟

呂黃門畫竹歌

黃門持此竹云是溫徽筆初聞一葉掃風雨迥出千

竿貫霜日層沙曲澗開煙湍高天雲影樓榭寒黃門
峻節與之比手排闥闔呈琅玕琅玕摧折鳳不食咆
哮虎豹天門黑鴟鳴鳩啼百草死誰看青青滿林色
君收此幅今西行雷電隨入蒲州城龍盤懈谷山中
石更待伶倫截鳳笙

彭中丞四民圖歌

漁舟暝入桃花溇春山如聞樵採音高原犁鉏破烟
雨書閣窈窕穿松林中丞雅愛山水障清晨自掛高
堂上綠樹逶迤轉衆流白雲合沓開層嶂萬里寧論

戰伐功百年宛見昇平象憶昨寇盜日橫行中原白骨哀蒼生携男抱女路斷絕痛哭不見天邊城漁奔樵竄學士徙縱有隴畝無人耕至尊九重憂旰食命公殺賊賊始平近郊無復戎馬迹比屋仍傳雞犬聲明公壯年心許國何況此身際日月二載驅馳掃漠南一時談笑清河北出閩三分大將旗來朝獨擁諸軍節樂土重開白日光普天不動黃塵色即今西戎忽復驕朝廷親遣霍嫫姚已聞土魯還金印又見中丞下赤霄形像雲臺猶未畫姓名麟閣早須標開

圖更賦出車併四海甲兵從此銷

桃源圖歌

昔我遊武陵坐石窺桃源岸
圻丹洞闕風迴綠蘿翻
崩崖奔古月杳嶂響哀猿
行車一以過始知人境諠
真陽仙令欲南往手持新畫來相訪
武陵山水久不覩
今晨置我高堂上巖穴如聞雞犬聲
村墟但見桑麻長
髣髴潭水濱點綴桃花春
山川似晉代衣服猶秦人
回首茫然一煙霧尋源誰復知
真處投簪福地終有期
畫中先認桃花樹

吳偉江山圖歌

吳偉老死不可見人間畫史空嗟羨
吾觀此卷江山圖飄然意象臨虛無
想彼濡毫拂絹素酒酣落筆神骨露
萬里青天動海岳空堂白日流雲霧
洲傾岸側波嶺銜島嶼倒影翻源潭
江邊萬舸一時散中流颭颭開風帆
崩濤湧浪勢難久漁子舟人各回首
去鴈遙知七澤中落花誤認桃源口
烟峯蒼茫貌二叟面髮衣冠頗龔醜
石林莎草恣點染舒卷滄洲在吾手
憶昨宏治間偉藝實絕倫供奉曾逢萬
乘主招邀數

過諸侯門京師豪貴競迎致失意往往遭呵嗔由來
能事負性氣轆軻貧賤終其身嗚呼吳生豈復作身
後丹青轉零落殘山剩水片紙貴百金購之不一得
此卷流傳天地間我即見汝真顏色

張季升望雲圖歌

黃門身在青雲上眼中白雲日南望白雲飛入楚山
裏封君之堂應在此俞卿善畫更能賦畫間青瑣開
縑素晴綵落筆白雲生寫出黃門萬里情

獵圖歌

邊沙蕭蕭天北風高林晝屯鞍馬雄
胡人裝束身手健真與此圖形貌同
冬寒獵傍長城窟城下平原日將沒
呼鷹放犬無不為數騎彎弓競馳突
月高琵琶海西城拂廬雪乾氍毹輕金
鍾虜酒亦易醉玉腕騮驕不行白髮老
黃戰裙抽箭仰視天山雲衆中若認射
鵬手漢家誰是李將軍

畫馬行

畫馬如畫龍縱橫變化當無窮吾觀月
山子落筆窺神工曾向天閑貌十馬十
馬意態無一同此馬傳來

幾百年古絹猶開沙漠風
樹裏河流新過雨簇簇草
芽寒刺水圍人雙牽臨水
邊草色離離亂雲綺令人
疑到渥洼傍波底風雷鬪
龍子細看不是白鼻騮恐
是當朝獅子花紫燕纖離
各惆悵其餘駑劣何足誇
憶昔愛馬不惜千金貨君
王勤政樓頭坐黃衫
雙繡靴廐中騎出樓前過
紅帕初籠汗血香玉鞭輕
拂桃花破吁嗟玩物竟何
益遺跡徒使丹青播只今
烽砲西北來沙場未聞千
里才千里才固有時回頭
為問御者誰君看赤驥與
騏驎挽車太行嶺心期田

子方踟躕駕轅頃霜凋苜蓿漢郊冷骨折秋風自嘶
影君不見古人養馬如養士一飽能酬千里志今人
養馬如養豚廐下常堆蒺藜刺古之良馬何代無可
笑今人空按圖

畫鶴篇

昔聞少保寫青田古墨千年人不傳郎君此幅何時
得蕭颺秋堂掃烟色雪翎風翼如有神萬里出海誰
能馴我初見此鳥重是仙人禽朝飲玉河湄暮宿元
圃林回首寒江鳬與鴈日晚哀鳴羨霄漢

赤壁圖歌

老瞞橫槩江之臯眼中吳越一秋毫吳人穀弩來江
左江頭鳴笳畫舉火旌旗飄揚北風前舳艫化作江
中烟英雄一去音塵滅斷水殘山弔詞客白雪堂寒
草煙暮黃泥坂下臨臯路酒酣喚客吹玉簫江風山
月不待招昔時霸業那足數鶴夢悠悠眇千古回首
東坡百世人圖畫蒼茫空有神

畫山水

蜀溪繭紙明如練并州剪刀碧雲斷泥金作繪誰所

為華堂粉壁光凌亂
枳花竹葉春江曲
江頭無人水空綠
逶迤石徑林中出
草碧沙明淨
江日欲覓秦人武陵下
不見溪邊種
桃者高樓窈窕鎖煙霧
只疑行盡瀟湘路
瀟湘却憶舊時遊
紙上煙波生暮愁

畫菊歌

楊郎畫菊只三本
千花萬草無顏色
夏卿墨竹差可比
陶生桂樹何須得
徐君向我誇所有
閣中携此更携酒
翠幔披雲出院遲
金杯映日凭闌久
深黃穠紫雜烟皴
想見五色臨揮毫
叢篁瑣碎白晝靜
錦石爛

燭霜天高楚江茅堂若在眼鳳闌彫闌對秋晚白葛
飄零處士稀朱絃寂寞佳人遠寒香晚節真可憐惜
哉楊郎不在前開窓為我拂絹素落筆點綴黃金錢
徐君徐君珍重此君不見天寒歲暮百草死綺羅無
地看槿李

題文與可畫竹上有東坡山谷題識

客從南方來見予手持錦軸長文餘云是與可之畫
蘇黃書中堂展玩思超忽四百年來真故物敗素飄
零色已改古墨慘澹神猶發文生此竹世希有一枝

不異雙瓊玖冥冥煙幹動石壁瑟瑟風葉臨牕筆
下何須掃萬竿曾中已自橫千畝眉山長公元擅場
豫章太史誰可當片言相推四海重隻字尚使千年
藏客從何處得此幅令我嗟嘆久憐惜蘇黃不作與
可死人間書畫無真跡勸君寶此勿輕擲

題黃車駕畫竹

畫竹忌屈不忌直息齋由來有筆力今之畫圖幾百
年人間尚自留真墨空堂畫掛風雨寒明滅纖霧生
微瀾細觀見竹不見畫何時石上削此三琅玕八閩